

重脩浙江通志稿

第四十四冊
著述

地
260
42.1
37
部

重脩浙江通志稿

第四四冊上

著述

前浙江通志館稿
浙江圖書館騰錄

內部資料

地理詳辨三卷 宋唐仲友撰 以下地理類

輿地會元志四十卷 宋倪朴撰
案浦江志本傳朴字文卿浦江人唐戶部侍郎若水之後豪雋不羈喜舞劍

談兵恥為無用之學必欲見之於事功紹興間聞廟堂謀遣將掃清河洛喜
曰依日月乘風雲此其時矣乃以天下山川險阻戶口多寡為用兵者所當
知適考群書成輿地會元志四十卷又合古今夷夏繪為一圖張之屋壁手
指心計何地可戰何地可守遂草書數千言上高宗皇帝其文甚長不備錄
朴此書載敬鄉錄宋史藝文志補今佚

輿地紀勝二百卷 宋王象之撰

案象之字行甫金華人慶元丙辰進士官江寧令直齋書錄稱此書以諸郡
圖經節其要略而山川景物碑刻詩錄初無所遺行在宮闕官寺實冠其首
闕河版圖之未復者猶不与焉眉山李說高季允為之序胡宗榘金華經籍
志云此書多影宋鈔本宋本未見清道光丁未甘泉岑建功重刻阮元為之
進呈咸豐五年南海伍崇曜重刻仍有闕卷闕葉云

輿地圖十六卷 宋王象之撰

重修浙江通志稿

四上 著述

案直齋書錄云紀勝逐州為卷圖逐路為卷其披求勤矣至西蜀諸郡尤詳
其兄觀之漕菱門時所得也此書又見絳雲樓書目宋史藝文志補今佚

地理考二卷 宋王柏撰

案柏有書疑詩辨已載經部此書見吳禮部集何王二先生行實今佚

皇朝方域志二百卷 宋王希先撰

案直齋書錄云此書題東陽布衣王希先撰凡前代謂之譜十六譜為八十
卷本朝謂之志為一百二十卷譜叙當時事實而注以今之郡縣志述今日
疆理而系於古之州國古今參考譜志互見地理學之詳明無以過此矣嘉
熙二年上於朝得永逸文解其父瑄本建寧人已未進士試詞科不中頗該
洽希先述其遺稿以成此書郡縣志及各書目均未載今佚

古職方錄八卷 元吳萊撰

案萊有尚書標說已載經部書類此書載元史藝文志補今佚

地理錄無卷數 明蘇伯衡撰

案伯衡字平仲金華人元末貢於鄉明太祖置禮賢館伯衡與焉洪武四年
以荐召見擢國史院編修官金華志文苑有傳此書載司馬泰文獻彙編未
見

地理分合總論三卷 明宋震撰

案震字無考，蘭谿人。此書章極胡僖校，前有何遵序。又見天一閣書目存。妙女傳一卷 唐顧非熊撰 以下傳記類雜錄

案舊通志人物傳，非熊況之子。長慶間及第，大中間歷盱眙尉。棄官隱茅山。此書載海寧州志，引唐人小說，記宣州崔氏婢女得仙事，語多幻怪，然可續。葦綠華梁玉清女仙中佳話也。

宋朝衣冠盛事無卷數 宋錢明逸撰

案明逸字子飛，錢唐人。舉才識兼茂科，父子三人皆中制科。世以為盛。累官翰林學士，贈禮部尚書。溢修懿，見杭志文苑傳。此書未見。接伴送語錄一卷 宋沈季長撰

案季長已見上易類。此書熙寧四年接伴送耶律運時所記，未見。唐山記事無卷數 元凌緯撰

案緯已見上經部。此書浙通志曾著其目於本傳中，未見。崑山錄十卷 明江晚撰

案晚字景熙，仁和人。正德戊辰進士，歷兵部郎中，改吏部，出為山東參政。陞山西右布政使，各陳體國便民六事，悉見施行。擢應天府尹，入為工部右侍

重修浙江通志稿

四 著述

二

郎卒贈尚書，見舊通志名臣傳。此書未見。

日錄一卷 明孫枝撰

案枝已見上經部。易類易說三卷，此書載杭志藝文，未見。銓曹日錄無卷數 明江瀾撰

案舊通志瀾入名臣傳，已見上經部。銓曹日錄其官吏部時作以自檢也。龍榮錄一卷 明郭幹撰

案幹字宗威，餘杭人。正統己未進士，官兵部左侍郎。時寇騎壓境，城門盡扃，城外老幼數萬餘，不得入。望堞而號，幹曰：「設城本以衛民，今棄民於敵，可乎？」適軍出就芻，乃下令軍從左出，民從右入，全活無算。卒贈太子太保。溢康靖。詳舊通志名臣傳。此書當係幹紀在朝知遇之隆，未見。

亡友錄後亡友錄無卷數 明陸嘉淑撰

案嘉淑有三項解，已見上經部。此書自序稱於丙戌丁亥間作亡友錄，乙未亡於融風。今年允倩之度，因叙劉威彥遠仲謀旦中諸子作後亡友錄，且欲追錄前友，并為一集，未能也。見海寧州志。

郭氏嘉祥錄二卷 清郭一泓撰

案一泓字沁園，仁和人。官猗氏縣丞。此書載其父國亂時倡義捐贖子女，海

內知名者投贈詩文並家傳行畧未見
兩朝科名盛事錄八卷 清吳兆隆撰

案兆隆号北野仁和人諸生此書載杭志藝文及兩浙輻輳續錄補遺有其
弟允隆跋

車笠契無卷數 清黃琛撰

案琛字山民錢塘人此書載杭志藝文未見

雲涇雜錄無卷數 清邱永撰

案永字星河仁和人乾隆二十七年舉人官國子監學正杭志文苑有傳此
書未見

東江遺事二卷 清吳騫撰

案騫有子夏易傳釋存已載經部是書因毛文龍為袁崇煥所殺實陳繼儒
主其陰謀墻披傳記為東江遺事以白其枉見海寧州志

磨盾餘談二卷 清張炳撰

案炳號翼之仁和人廩貢生此書載杭志藝文未見

列代仙史八卷 清王建章撰

案建章杭州人自号玉樞道人此書載杭志藝文未見

重修浙江通志稿

四 著述

三

雲游始末一卷 清祝翼棊撰

案翼棊字無考海寧人貢生妻陸氏名莘行字縉任錢塘陸圻女圻以莊氏
史案株累晚歲祝髮為僧雲游四方不知所終莘行悲甚作雲游始末記
韓忠獻遺事一卷考德集三卷 宋強至撰 以下傳記類名人

案四庫提要云至字幾聖錢塘人此書緒銜稱羣牧判官尚書職方員外郎
以其祠部集中詩文考之登第之後渴遠得泗州掾以荐歷滿江東陽元城
三縣令終於三司戶部判官尚書祠部郎中其上河北都運元給事書所謂
四歷州縣三任部屬者雖不盡可考參以此書可見大畧至嘗佐韓琦幕府
此編叙琦遺事頗詳世所傳琦重陽詩不嫌老圃秋容淡且看黃花晚節香
句諸家詩話遞相援引其始表章者實見至此編考德集未詳據江蘇圖書
館目此書有明武進鄭鄞評點本明翻宋本明刊歷代小史本丁刊武林往
哲遺著後編本日本天保刊本清刊安陽集本

胡瑗言行錄無卷數 宋闕注撰

案注已見上經部此書載杭志藝文無卷數可考有光緒六年丁氏刊本
張文忠公世家無卷數 宋蔣光彥撰

案光彥未詳此書載杭志藝文未見

孔子年譜一卷 明張次仲撰

案次仲有周易玩詞因學記及待軒詩紀等書已載經部易類詩類此書未見

孔子年譜一卷 明沈繼震撰

案繼震有春秋釋志一書已見經部春秋類此書未見
闕里書八卷 明陳之伸撰

案之伸字魯直海寧人天啟辛酉舉人官上江糧道詳見杭志仕績傳海寧州志云此書補江寧沈朝陽所遺雜采聖賢事迹成篇各繫以贊見四庫書目

協忠錄三卷 明許南金輯

案南金字無考海寧人諸生此書記海寧人許遠與張巡同死事邑故有廟與南霽雲雷萬春姚閻合祭故曰協忠原書有張寧序見海寧州志

旌忠錄五卷 明于冕撰

案冕字景瞻錢塘人忠肅子以蔭授副千戶坐戍龍門謙寃既雪并復寃官自陳不願武職改兵部員外郎居官有幹局累遷至應天府尹與利錫英一以仁愛為心雖罹家難而聲聞不墮人皆稱之見杭志名臣傳明于冕撰此書當

重修浙江通志稿

四 著述

四

徐冕表章其父之忠節而作未見

張乖崖事文錄四卷 明徐同幹撰

案同幹杭州人乖崖名詠此書與應山顏端同編有張忠定公遺集本

尊白堂外傳 明陳玉石撰

案玉石字師黃海寧人此書載海寧州志又作尊白堂集蓋平湖人僑居海

寧也

靈衝廟志一卷 明沈友儒撰

案杭志藝文云友儒海寧人此書後為楊廷筠夏竑重纂四庫附存目但云夏竑撰今仍乾隆志提要云宋建炎三年金兵攻臨安守臣康允之棄城走錢塘令朱躡偕縣尉金勝祝威率民兵力戰死之杭人賴其捍禦得乘隙以逃為立祠於死所是書以建廟封侯始末並祀典碑記彙為一編亦風起忠烈之意也

勲賢祠志一卷 明陳善懋撰

案善懋字無考錢塘人官左參政杭志藝文云此編訂豫章俞均所撰正文成祠志未見

玉樹芳聲二卷 明謝君錫撰

案君錫字允忠錢塘人此書輯金龍四大王事蹟載杭志菴文志未見
貢尚書紀年錄一卷 明朱鏈撰

案鏈字質夫海寧人洪武初以荐官寧遠知縣是書見海昌備志記其師元
末貢師泰寓海寧時事杭志列鏈義行傳謂其不忘師道生供家食歿盡葬
禮復編遺集為可嘉也

吳太常殉節錄一卷 明祝淵撰

案淵字開美海寧人崇禎六年舉人杭志忠義傳云明李都城陷淵營死難
太常少卿吳麟徵喪歸其柩此書殆叙太常殉節始末而作杭志菴文著錄
未見

孫白谷忠節錄一卷 清丁澎撰

案澎字葯園仁和人順治十三年進士官禮部郎中杭志文苑有傳此書載
杭志菴文未見

孤忠遺翰無卷數 清陸圻撰

案圻字麗京仁和人其詩經吾學等書已見經部詩類此書未見
四書人物贊無卷數 清孫應龍撰

重修浙江通志稿

四 著述

五

聖門狂狷錄無卷數 清祝文彥撰

案文彥字方文海寧人有詩經通解一書已見經部文彥自信為有志有操
不屑不潔爰集古修士獨行一流為聖門狂狷錄意殆自附昔人之儔
孔子年譜二卷 清顧震瑛

案震瑛字葦田錢塘人乾隆辛巳進士改庶常官刑部貴州司員外郎此書載
杭志菴文未見

至聖事蹟約纂一卷 聖門諸賢事蹟略一卷 清李紹城撰

案紹城字澹畦仁和人嘉慶十三年舉人此書載杭志菴文未見
文廟事紀六卷 清柴杰撰

案杰字臨川錢塘人乾隆五十一年舉人師事吳鴻沈廷芳多唱和父才有
集唐詩初二集杰亦集唐詩二卷復自為箋釋又輯浙人詩存搜集甚富見
杭志文苑傳此書載杭志菴文未見

東坡先生年表一卷 清查慎行撰

案慎行已見經部易類此書有乾隆香雨齋刊本見國學圖書館目錄
金龍四大王事蹟一卷 清俞星留撰

案星留字潔存仁和人此書載杭志菴文

曹娥廟志五卷朱竹垞年譜一卷屬樊榭年譜一卷 清朱文藻撰

案文藻字映清仁和人諸生少居東園既而吳穎芳割宅居之又館汪氏振綺堂勘校群籍見聞日廣特開四庫館大學士王杰延文藻至都佐編校之役考異訂謬多成善本晚年為阮元輯軒輜錄為王昶輯藏經提要西湖志金石萃編訂正之力居多詩在劉夢得張文昌間見杭志文苑傳此三書曹廟志未見朱竹垞年譜則今本曝書亭集多增楊澹撰稿而屬樊榭年譜有劉氏嘉業堂刻本別有繆荃孫陸澹社二家撰稿與朱氏作並行蓋遺文軼事詳略不同援據互異可兩存以資參攷也

忠貞公忠節錄二卷 清卓尔堪著

案尔堪字子任其先本瑞安卓敬之子孫靖難之變卓氏籍沒有用外家塘棲宋氏姓者始免刑戮尔堪其後人也蓋閱數百載始復原姓尔堪有才名王士禎等均以詩相贈此忠節錄亦尔堪述祖先殉難事實未見昭烈靈澤夫人廟考一卷文昌通紀四卷 清周廣業撰

案廣業字勤補海寧人有讀易纂言一書已見經部易類此二書一在皖江記螺磯孫夫人事而作一考文昌故事補梓潼縣志所未備見海寧州志查東山年譜一卷 清沈仲方撰

重修浙江通志稿

四四 著述

六

案仲方字墨庵海寧人為查繼佐入室弟子久侍講席於繼佐僻行奇節審之甚詳同時張溥序文謂其書可信有吳興劉承幹嘉業堂叢書刻本北湖先生年譜一卷 清張京顏撰

案京顏字無考海寧人朝晉子諸生此書為述其父事行而作朝晉見上經部即學者所稱北湖先生也譜中起康熙壬子迄乾隆甲戌永思樓刊本有周勳懋書後

武穆外傳無卷數 清張泰初撰

案泰初号松溪錢塘人貢生此書據杭詩三輯稱其精核云陳乾初先生年譜一卷蘇祠從祀議一卷 清吳魯撰

案魯已見上經部陳乾初名確有黃黎洲作墓志此書有自序稱乾初歿百有九年倣吾家靈隱翁譜靖節之例稍據崖略以著於篇俾後之學者知欲同山陰一瓣香當自海昌始蘇祠從祀議則杭嘉湖道秦瀛建蘇文忠祠於孤山之麓因檢東坡集旁參傳記擇其可錄者二十四人設主祀別室二書均有刊本

鄭君年紀一卷 清陳鍾璣

案鍾已見上經部此書為表章鄭康成學術而作錢大昕序文稱始據本傳

參以群書排比事實繫以年月粲然有條咸可徵信洵有功於先哲。
葑塘先生年譜一卷 清胡敬撰

案敬已見上經部此書為敬述其父事行而作父名濤号葑塘仁和人家貧能奉母誦讀不輟為詩清妙工緻客莊陽克豫歷名勝既多詣益進歸里門築室城東與友項鏞共主吟社壇坫之盛幾與趙氏小山堂相頡頏吳穎芳汪沅時往與焉見杭志文苑傳此譜述庭訓尤翔實可傳也清刊本

楊園先生年譜集證一卷 清錢穀撰

案穀已見上經部楊園先生為桐鄉張履祥字考夫号念芝又号楊園窮理居敬宗法考亭唐鑑清學案小識列于傳道學案居陸稼書之次遺著有祝塗修補本而此書據遺集排年案月詳著其立身本末比活水姚君夏作為尤精

初白先生年譜一卷 清陳敬璋撰

案敬璋字半圭海寧人諸生為查慎行外曾孫於慎行出處事跡得諸母氏教訓者郵詳此譜有吳騫序文稱其信而有微無少文飾讀初白詩可因之得論世知人矣有嘉業堂叢書本

陸辛齋先生年譜二卷 清王簡可撰

重修浙江通志稿

四 著述

七

案簡可字仲言号紫溪海寧人德浩子諸生載杭詩三輯為陸嘉淑作嘉淑有辛齋遺稿也

曹江孝女廟志八卷 清金廷棟撰

案廷棟字無孝仁和人嘉慶年優貢此書載杭志藝文未見

周元公祠志三卷 清周勳懋撰

案勳懋字虞嘉号竹泉海寧人道光壬午年副貢廣業子周元公祠在西湖此書載海寧州志及杭詩三輯未見

揚清祠志一卷 清丁午撰

案午字奕生錢塘諸生有重文二卷已見經部小學類此書未見文廟從祀賢儒表捌卷陸清獻年譜一卷 清羅以智撰

案以智已見上經部文廟從祀賢儒表有手稿本見國學圖書館目錄清獻為陸稼書隴其平湖人溢清獻有三魚堂集等書

龔定庵年譜一卷 清吳昌綬撰

案昌綬字印臣别号甘遜鄉人仁和人治金石掌故之學此書於定庵身世學術言之甚詳比黃守恒作為優有光緒戊申刻本及龔集附刻本

汪穰卿年譜一卷 清汪詒年撰

案治年字頌毅仁和人。此書為其兄康年作。康年字穰卿。光緒壬辰年進士。林紆為作墓志。唐文治為作家傳。而此譜尤詳云。

含嘉室自訂年譜一卷 清吳士鑑撰
案士鑑有晉書斟注已見正史類。此譜為士鑑自訂。終於宣統三年。以宣布共和罷官居沪而止。原文結尾有云。從此長辭魏闕。夢斷瓠樓。紀甲子於空山。樂該餘之歲月。文章事業已矣。此生有一節之足傳。待我後嗣之續述已。蓋此譜成後。士鑑至民國辛未年始卒。中間僅一就清史館總纂之職。未為仕宦也。

耶律文正公年譜一卷 餘錄一卷 海寧王國維撰

案國維已見上經部。王忠愍公遺書本未見。

玉谿生年譜會箋八卷 民國張尔田撰

案尔田字孟劬。錢塘人。北京大學堂教授。兼清史館纂修。此書於李商隱身世據新舊唐書及樊南集。並唐人諸集考訂。一是有沈曾植、朱祖謀、王秉恩諸序。劉氏求恕齋刻本。

會稽先賢祠傳贊二卷 宋史浩撰 以下傳記類

案浩有尚書講義已載經類。此書載鄞志。菴文引宋史菴文志。又有四明十

重修浙江通志稿

四 著述

八

二先生贊均未見

范文正公年譜一卷 補遺一卷 附義莊規矩一卷 宋樓鑰撰

案四庫存目云。鑰字大防。鄞縣人。隆興元年進士。官至參知政事。除資政殿大學士。卒謚宣獻。事蹟具宋史本傳。補遺一卷。不知何人作。前有自識一條。取舊譜未載者見之。數年之下。所據前譜闕遺頗多。足以互相考證。元天歷三年仲淹八世孫國儀與文正奏議同刊行之。其義莊規矩一卷。則仲淹嘗買田置義莊於蘇州。以贍其族。初立規矩刻之板榜。范氏後人所錄。

象山年譜一卷 宋表燮撰

案燮有書鈔已載經部。此書載鄞志。菴文引聚樂堂書目。分上下卷。未見錢塘先賢傳贊一卷 宋袁詒讓撰

案詒字彥純。慶元人。淳熙十三年進士。授吳江丞。歷參知政事。贈太師。越國公。事蹟具宋史本傳。詒嘗知臨安府。請於朝。建許由以下三十九人祠。各為之傳贊。事在寶慶丙戌。至景定五年甲子而祠毀。至正二年。有呂淵者復其祠。重醵傳贊。後二年丙戌。浙江等處儒學提舉班惟志叙而行之。是編補元時舊刻所記錄者。雖止及一鄉之舊。舊多得之故老。疏傳頗為詳贖。修正史者。因采以入傳。故與宋史頗相合。傳贊亦古雅可誦。固非後來地志家套飾。

附會之比也。

紹興正論小傳二十卷 宋樓昉撰

案昉有東漢治令已載治令類直齋書錄云紹興正論不著名氏錄文武官不附和議及許秦檜得罪者此書以正論中姓名做元祐党傳為之宋志別史類有昉中興小傳一百篇疑即此書

慶元賜府考去卷教 宋黃翔龍撰

案翔龍字無考鄞縣人或作慈溪人寶祐元年進士官江西提舉司此書載全祖望結埼亭集徐時棟四明六志校勘記曰吾鄉自南渡以還仕宦接踵賜第雲連甲於江浙滄桑以後華屋山丘不可復向翔龍追考當日列門榮戟之盛致其故園喬木之思自隱君性道錄此書於鄞志修詞考是在國初尚有傳本至雍正間全吉士作續賜府考即云不可見矣

戊辰修史十三傳一卷 宋黃震撰

案震有讀詩一得已載經部詩類此書據慈溪志引宋藝文志及絳雲樓書目全祖望跋謂為史館檢閱時所作列傳一杜範一真德秀一洪咨夔一袁甫一徐元杰一李心傳凡六篇疑即日鈔中所闕二卷也先生所推稱者杜丞相於真文忠公傳謂晚節附鄭清之大有微詞與理度二朝政要所言在

重修浙江通志稿

四 著述

九

於證明政要最推袁正肅公而傳中稍不滿其論學今宋史真文忠公傳頗采公文為藍本世有重雕日鈔者當以此稿及理度二朝政要附之近人張壽鏞四明叢書第一集有刻本

忠義錄無卷數 明袁珙撰

案珙字廷玉鄞縣人以善相術姚廣孝荐於永樂皇帝官太常寺丞詳鄞縣通志藝術傳此書載竄波袁鏞死義事有自叙略云鏞在宋季取進士即以憂去爵祿未及於身非有國事之託民社之寄苟晦跡以自全誰得而議哉顧乃汲汲然若責之在已結趙孟傳謝昌元誓死以報國此無他忠義之所激也及元師前驅入鏞約二人整兵為後繼而先往當敵責之大義冀其退聽不可而益進鏞即與挺身赴門而趙謝不至力竭被擒敵縛而焚之氏死罵不絕口其家婦子婢妾十七人聞之皆赴水死而趙謝以眾降皆貴顯有媿於鏞多矣原書未見鄞縣志又有表廷玉傳一卷表柳莊行實二卷殆非四明文獻錄一卷 明黃潤玉撰

案潤玉有周禮題詞已載經部此書據四庫存目云成於成化丙戌以四明文獻分為二類一曰鄉先生自漢夏里黃公以下三十五人皆四明產也一曰鄉大夫自周文種以下九人皆官於四明也各有傳并系以贊據卷末其

孫溥跋蓋原本尚有諸人小象後莫息重刊以非真本削除之跋又稱是書未出以前有偽本託潤玉之名以行潤玉知而視之其本前無序後無贊潤州先賢錄六卷 明姚堂撰

案四庫存目云堂字彥容慈溪人正統己未進士官至鎮江知府是編成於天順癸未錄鎮江先賢自周迄宋分高風忠節相業直諫德望文學六門列其人之事實并後人所為記讚詩文間及其人著述所載僅二十人不及京口耆舊傳十之一也

四明文獻志十卷 明李堂撰

案堂字時叔号董山鄞縣人成化二十三年進士官至工部右侍郎鄞志仕績有傳此書載鄞志藝文引明史藝文志未見

善行錄八卷續錄二卷 明張時傑撰

案四庫存目云時傑字維靜鄞縣人嘉靖癸未進士官至南京兵部尚書明史附見張邦奇傳此書獵采史傳取先哲行誼之高者萃次成編正編起春秋至明代凡二百九十人續編起漢迄宋凡一百四十五人

辛朝遺忠錄無卷數 明范欽撰

案欽字堯卿号東明鄞縣人嘉靖十一年進士官至兵部右侍郎未上乞歸

重修浙江通志稿

四 著述

十

性喜購書築天一閣以藏之名滿海內此書載鄞志藝文未見
平倭紀畧無卷數 明陳茂義撰

案茂義有詩序折中已載經部詩類此書載慈谿志藝文有周匡跋略云前明倭寇之亂延蔓三四省大江之南生靈塗炭遍起瘡痍至嘉靖三十五年始掃平之歸功元戎次及將官僚屬皆與有勞焉而實主其謀者為吾邑海渠陳公一人之力公以一少年即官奉命參謀軍務正當倉皇危急大兵屢挫主將束手無策之時運籌決勝累奏不爽瀆公紀畧一書洋洋萬餘言前後原委叙次詳明成績具在足補明史所未備惜晚出不及呈於史館也
開國事略宋名臣言行節略無卷數 明向燾撰

案數字師說慈溪人與从兄洪邁稱二向嘉靖四十年選貢授上海訓導慈志人物有傳此書載慈志藝文引天啟志未見
甯郡補志傳一卷 明楊德周撰

案德周字南仲号次莊鄞縣人萬曆四十年舉人官高唐州知州鄞志有傳此書載乾隆鄞志又有金華雜識四卷記金華舊事遺文未見
儒林宗派十六卷庚申君遺事一卷宋季忠義錄十六卷 清葛斯同撰
案斯同有歷代史表已載別史類庚申君遺事載乾隆鄞志藝文宋季忠義

錄有張壽鏞四明叢書第二集刻本。儒林宗派。據四庫提要云。紀孔子以下迄明末諸儒授受源流。以時代為次。其上無師承。後無弟子者。則別著之。自伊洛淵原錄出。宋史以道學儒林分二傳。非惟文章之士。記誦之才。不得列之於儒。即自漢以來傳先聖遺經者。亦幾不得列於儒。明以來談道統者。揚已凌人。互相排執。卒釀門戶之禍。斯同著此書。斷自孔子以下。允漢後唐前。傳經之儒。一一具列。持論獨為平允。惟增錄一門。旁及老莊申韓之說。未免矯枉過直。又唐啖助之學。傳之趙匡陸淳。宋復之學。傳於石介。卓然自立一家。宋代說經濫觴。二子乃列之散儒之中。不入宗派。亦有未安。至朱陸二派。在元則金吳相承。在明則薛王異尚。四百年中。出此入彼。淵原有自。未可以朝代不同。不為明其宗系。世所傳本。僅十二卷。此本出歷城周氏。多四卷。末年定本。

雪交亭正氣錄十二卷 明高宇泰撰

案宇泰字元發。號隱學。鄞縣人。斗樞子。嘗佐錢肅樂起兵。魯王授兵部郎。餘詳鄞縣通志本傳。此書為明季死難諸烈作。分年為紀。自甲申迄癸巳。為紀八。闕壬辰紀未補。凡任事尤著。志不克竟者。列之特紀。其人晦而復明者。列之附紀。傳三百七十一人。間采其詩文及哀挽之作。雖婦女方外。靡不記。以

重修浙江通志稿

四 著述

十一

愧夫苟活者。實為一代忠義所託。命足補史乘之闕。近人鄞縣張壽鏞馮貞犀。得何樹崙原寫本。為之讐校補目。列入四明叢書第三集。

鄭氏人物傳一卷 清鄭梁撰

案梁字禹梅。慈溪人。溱子。為黃宗羲弟子。登康熙二十七年進士。官高州知府。慈志人物有傳。此書有梁自序。略謂其家自安仁府君而下。三百年間。或學希聖賢。或功被民社。或文名庠序。或行高鄉党。合而計之。不可謂無人。故做史之列傳。取一族賢者。叙其行事。加之論贊。名之曰人物傳。原本未見。

賀監紀要四卷 清聞性善性道同撰

案四庫存目云。性善字與同。弟性道字天迥。甯波人。其書備據賀知章遺文軼事及唱酬題詠之詞。彙為一編。采摭頗富。然於唐明皇送知章詩有二。本方回流。奎律隨具。載朱子之說。又韋穀才調集所載楊柳枝詞。標題語增枝字。遂以天寶以前絕句。為長慶以後之樂府。皆未考定。徵引古書。每事必選一標題。尤類小說體例也。

西京節義傳一卷 清李鄞嗣撰

案鄞嗣原名文胤。以字行。一號果堂。諸生。私淑蕺山之學。於黃宗羲。私淑漳浦之學。於何義兆。呂漢憲。終身忠孝自持。詳鄞縣通志節概列傳。此書據張

壽鏞四明叢書所列果堂著述改有此目且云郭傳璞曾刻其傳論二卷入
金城山館叢書改西京作西漢未見
續表忠記八卷二續表忠記八卷 清盧宜撰

案宜字公弼鎮海人康熙五年舉人官蕭山教諭擢鎮遠知縣鎮志人物有
傳此書林時對序稱其倣嘉善錢塞庵相國遜國表忠記義例纂為續記叙
事典核數詞高朗令人一展卷而原原委委是是非非不啻燭照數計毛奇
齡撰墓志亦云既以策對明史起家不得入史館乃就錢塞庵表忠記續之
編搜明代名臣諸列傳有預於致身者或生或死或分或合勿誣而又勿軼
初成八卷刻之寄園再成八卷刻之江右原本未見
范香溪年譜一卷 清姜炳璋撰

案炳璋有讀左補義已載春秋類此書載象山志藝文輯范氏浚有香溪集
其心歲為朱子所取全祖望宋元學案曾為立案炳璋是譜亦表章藝學也
明李蛟川猷徵錄無卷數 清張懋廷撰

案懋廷字東賢號雙山鎮海人拔貢乾隆十六年高宗南巡以獻詩台試錄
取二等見鎮志本傳此書一名明季兩東猷徵未見
聖宗集要八卷 清費禕陶撰

重修浙江通志稿

四 著述

十二

案禕陶字約齋鄞縣人是書上溯皇古下迄有明凡聖賢及講學諸儒輯為
一編取大宗之義以聖宗為名然穆修傳後咸推陳搏又謂道家者流施之
於治則結繩可復為四提要所斥云
李贊一卷 清胡文學撰

案文學有疏稿已載下奏議類此書據四庫存目云為真定推官自叙政績
十八事推官稱司李故題曰李贊每事舉古人遺跡一二條而後自叙使若
先後媿美者縱言不尽誣亦頗嫌自譽也

大駕南封記無卷數 齊邱靈鞠撰
案靈鞠吳興烏程人舉秀才為州主簿累遷至太中大夫南齊書南史有傳
此書為齊明帝命作今佚

西京雜記二卷 梁吳均撰
案均有齊春秋通史見上正史編年類此書或題葛洪撰或云劉歆說俱無
考姑仍湖州志題為均撰均又有錢唐先賢傳五卷亦佚

大隱傳三卷 唐徐堅撰
案堅有晉書一百十卷及注史記均佚此書亦載湖志藝文佚
武林舊事十卷 宋周密撰

案四庫提要云密字公謹号岬憲先世濟南人曾祖隨高宗南渡因家湖州淳祐中官義烏令宋亡不仕終於家是書記宋南渡都城雜事蓋密雖在弁山實寓杭州癸辛街故目睹耳聞最為真確於乾道淳熙間三朝授受兩宮奉養之故蹟叙述尤詳自序稱欲如呂榮陽雜記而加詳如孟元老夢華而近雅今考所載雖仿孟書而詞華典贍南宋人遺篇剩句頗類以存近雅之言不謬呂希哲歲時雜記今雖不傳周必大平園集尚載其序稱上元一門多至五十餘條不為不富而密猶以為未詳則是書之賅備可知明人所刻隨意剗除惟存故都宮殿教坊樂部諸門殊失著書本旨此本以汲古閣元版傳鈔遺聞軼事可備考稽而湖山歌舞靡麗紛華著其盛正其所以衰遺臣故老惻惻興亡之感曲寄言外不僅作風俗記都邑簿也

國琛集二卷

明唐樞撰

案樞有易修墨守已見經部四庫存目云是書記明初以來迄於嘉靖人物大旨以聖人君子善人有恒分為四科不以時次不以類從錯出雜陳上自宰輔下至隸卒人各一小傳寥寥數語殊不詳各傳後間附以論斷亦不定孰為聖人君子孰為善人有恒体例尤不分明其曰國琛集者蓋取國家以人為寶之意前有王畿序并樞自序樞學宗良知於王守仁推崇甚至云

重修浙江通志稿

四 著述

十三

平番議撫蔡議安南議無卷數

明沈應龍撰

案應龍字翔卿烏程人嘉靖十四年進士授刑部主事累遷至南刑部右侍郎湖志人物有傳平番議殆其官四川副使因白草番作亂言撫之無益不若專意征剿為宜因作此議安南議亦為安南亂作

徐海本末一卷

明茅坤撰

案坤字順甫歸安人嘉靖十七年進士官禮部主事湖志文學有傳此書據四庫全書存目云坤好談兵罷官後值倭事太急嘗為胡宗憲拾入幕與共籌兵計此編乃記宗憲誘誅寇首徐海之事皆所親見故叙述特詳與史所載亦多相合表裏以此書與汪直傳入金聲玉振集題曰海寇後編今析出著錄

古今忠孝人物贊無卷數

明姚一元撰

案一元字維貞長興人嘉靖二十三年進士官至順天府尹湖志政績有傳此書未見

文獻雜誌無卷數

明黃止煥

案正字子靜号何山烏程人嘉靖二十二年舉士官至工部員外郎湖志政績有傳此書未見

政績錄無卷數 明胡友信撰

案友信字成之，德清人。隆慶二年進士。官順德知縣。湖志政績有傳。尤以舉業擅名。當時稱前有王鑿，唐順之，後則端有光，與友信云。此書未見。

乙卯台對錄無卷數 明方從哲撰

案從哲字口口，德清人。萬曆八年進士。官大學士。諡文端。此書載明史。藝文志未見。

萬曆辛亥京察紀事十卷 三太宰傳一卷 明丁元荐著

案元荐字長瑞，長興人。萬曆十四年進士。官中書舍人。湖志人物有傳。元荐通籍四十年。前後服官，不滿一載。多以京察得罪。此書記萬曆三十九年京察事。正元荐重起為禮部主事之時。原書未見。又三太宰傳載千頃堂書目亦未見。

皇明象胥錄無卷數 萬曆三大征考五卷 明茅瑞徵撰

案瑞徵有虞書箋、禹貢灑疏，已見經部。此書見明史。藝文志稱：吾學編四夷考，精核簡嚴，而根據多畧。編纂亦止於世廟。余往在職方間，按歷代史牒及耳目近事，稍為增定，以沈萬曆紀年，如佛郎機、魯述諸國，併摺訂入。蠻貊夷落，如指諸掌。題曰象胥。他如北虜、女真及西南溪洞諸蠻夷，別有哀集。今北

重修浙江通志稿

四 著述

十四

平園書館善本叢書第一集刊行。萬曆三大征考亦見明史。藝文志千頃堂書目。圖說一卷。字比一卷。閩白二卷。楊應龍一卷。自序畧云：嘗閱兩朝平攘錄，披拾多不雅純。已得瞿待詔武功錄所述，字播情事似詳盡，而鋪張間涉危蔓。朝鮮一案，缺焉不備。往歲端舟，挈有本兵稿畧，因出次第參訂，僭為刪輯云。未見。

泉南剿撫錄 澳門十議 無卷數 明蔡善繼撰

案善繼字伯達，烏程人。萬曆二十九年進士。官湖廣右布政。分巡襄陽。湖志政績有傳。此書見湖錄。當崇禎改元，芝龍入海島為劇盜。官兵莫能制。始議招撫。廷臣以善繼常有恩於芝龍，令治漳泉道事。芝龍即內服就撫。事定，歸功巡撫。故善繼有泉南剿撫錄之作。澳門十議殆亦在國時作。均未見。

羅江東外紀 三卷 明因元衡撰

案四庫存目云：元衡字康侯，烏程人。自号歐餘生。自以終身不第，有似羅隱。故作此書。蓋一時寓意之作也。

平樂事蹟考 一卷 明茅元儀撰

案四庫存目云：是編因明季流賊猖獗，官兵不能禦。元儀建策，欲用宣大降丁剿之。因謂黃巢發難時，沙陀五百郎能殲其衆，而唐人疑不肯用。迄至七

國故叙錄其事莫鑒其禍而用已說其大旨見自叙中然亦一偏之見自古以來台外兵以救內難無論克與不克未有不終於致亂書中所載始於唐僖宗乾符元年王仙芝作亂迄中和四年平黃巢全剽資治通鑑之文有刪除他事不盡者如乾符五年鄭畋盧携憤爭南詔事是也有偶遺本事者如廣明元年漏載義武軍節度使王處存舉兵入援而下叙王重榮事矣出處存之名莫知自來也蓋元儀姑借業事寄意故疏畧如是耳

王謝世家三十卷 明韓昌箕撰

案四庫存目云昌箕字仲弓烏程人是書成於天啟壬戌考南朝王謝二家人物各為之傳冠以譜系圖及同名考王氏分四派一曰瑯琊凡十四卷二曰太原正派凡四卷三曰太原支派凡二卷四曰太原別派凡二卷謝氏則惟陽夏一派皆止於六朝唐以後不預焉

交山平寇始末三卷附詩一卷詳文一卷書牘一卷 清夏綱撰

案綱字文翹烏程人以貢生補教職康熙己未荐博學鴻詞以事不與試此書據四庫存目紀交城知縣趙吉士勤賤事交山故為盜藪康熙七年吉士往治事以計次第擒之閱四年而盡平綱時客吉士幕中因紀其本末上溯盜起之由中述定計之豫終陳制勝之畧松江陸慶餘為之評點并附賀贈

重修浙江通志稿

四 著述

十五

詩篇於後餘姚邱以發復取吉士詳文書牘有周平寇者別為二帙評之

孝史十卷 清錢尚衡撰

案四庫存目云尚衡字雲林烏程人是書編次古人孝行上自唐虞下迄明季以時代先後為次其所采錄本之正史及一統志為多其子鳳文復蒐訪稗官小說續補成編各傳之後亦或附以論斷其自序謂割股割肝卧冰埋兒之類雖於不敢毀傷之義有乖然愚孝之人忘身事親又不忍使之泯沒是尚屬原情之論善善從長至於建德農人以踐虎約而甘蹈亡身之危尚衡稱為守信達命則所見太偏矣

西夏紀事本末三十六卷東南半壁紀事三十卷 清張鑑撰

案鑑有尚書陸說韓詩攷逸等書已載經部此書載湖志藝文未見

臺灣鄭氏始末六卷 清沈雲撰

案雲字舒白号間亭德清人道光二十四年進士官興安知縣湖志文學有傳稱其嘗取閩人所著台灣紀事本末參考他書刪其繁蕪加以潤色編入凌氏傳經堂叢書並有沈彥為之箋注云

吳絳雪年譜一卷清俞樾撰

案樾有易貫玩易篇已載經部絳雪為永康明季有才女子以耿精忠入浙